

عفو بين الملل کانادادان ایسته‌دی جورج بوشي دستگیر و موحاکیمه ائله‌سین

عفو بین الملل سازمانی کانادالی مقاملاردان ایسته‌دی «جورج بوش» آمریکایی قیافکی رئیس جمهورون، ترورونان مبارزه آدلانان جنگده، شیکنجه فرمانی صادر ائله‌ماغا خاطر دستگیر و موحاکیمه ائله‌سینلر.

عفو بین الملل سازمانی کانادالی مقاملاردان ایسته‌دی «جورج بوش» آمریکایی قیافکی رئیس جمهورون، ترورونان مبارزه آدلانان جنگده، شیکنجه فرمانی صادر ائله‌ماغا خاطر دستگیر و موحاکیمه ائله‌سینلر.

فرانسه خبرگوزاریسی‌نین «اتاوا» دان نقل اولان گؤزایشینه گؤره، قرار دی بوش اوکتوبرون 20- سینده بیر ایتیصادی ییغینچاقدا کانادانین «سوری» شهرینده شیرکت ائله.

لندنده اولان عفو بین الملل سازمانی بوشون حقوقی مسوولیتینه نظر سالماغیانان، اونون علثیهینه اینسان حقلرین نقض ائله‌ماغا خاطر پرونده تشکیل وئریب و کئچن آی رسمی یازی ضمیمینده کانادا مقاملارینا چاتدیریپ آما بو یازی ایندی روزنامه‌لرین الینه چاتیر.

عفو بین الملل سازمانی‌نین آمریکا منطقه‌سی‌نین مسوولی «سوزان لی»، بیر بیانیه صادر ائله‌ماغیانان دندی: بین‌المللی تعهودلره گؤره کانادادان ایسته‌نیلیر کی آمریکانین قیافکی رئیس جمهورونو حقوقی مسوولیتلری و شیکنجه کیمی جورملره مورتکیب اولماغا خاطر، بین‌المللی قانونلار اساسیندا اونو دستگیر و موحاکیمه ائله‌سین.

او آرتیردی: اوردان کی آمریکالی مقاملار بوشو موحاکیمه‌یه چکنمه‌ییلر؛ بین‌المللی جامعیه گرك بو یولدا قدم گؤتوره. اگر کانادا بو سفرین جریانیندا اونو دستگیر ائله‌یه بیلمه‌یه معلوم اولار کی اینسانین اصلی حقلرینه اریزش قایل دئییل و میلل موتحید سازمانی‌نین شیکنجه علثیهینه اولان کونوانسیونوندا عودول ائله‌ییب.

عفو بین‌الملل سازمانی اعلام ائدی کی بوش پیشرفته و خشین بازجویی روشلردن ایستیفاده ائله‌ماق فرمانین وئریب. هابئله بوغولماق حیستینین ایلقا ائله‌ماق شیکنجه‌سی، 2002 دن 2009 ایللری آراسیندا اونون فرمانی‌اینن آمریکانین مرکزی جاسوسلوق سازمانیندا حبسده اولانلارین اوستونده ایجرا اولوب.

زیندانی‌لرین بازداشت برنامه‌سی، شیکنجه ، آیری غیر اینسانی و خشین ایشلره ال وورماق و هابئله توهین‌آمیز رفتار شامیل اولوردو.

بو سازمان اؤز یادداشتیندا توتولانلارین نچه مورید «گووانتامو» خلیجینده و عراق و افغانستاندا کی نظامی پایگاهلاردا آمریکالی نظامیلارین الی‌اینن شیکنجه اولماقلارینا ایشاره ائلیر.